

۱ - ايلك تدريسات معلملرينك معلومات و اختصاصلرين آرنديرمق امنيه سييله  
 آچيلاق قورسلر حقنده احضار اولنوب تعليم و تربيه هيئتى رياستك ۹۲۶/۶/۹ تاريخ  
 و ۴۸۰ نومرولو مذكره سييله برآى تدقيق انجمنمزه حواله ايديلن تعليماتنامه لايحه سى  
 مطالعه و ملفوف شكلده تعديل اولونارق قبول ايدلمش و كيفيتك تصديق و كالتيناهى يه

عرضى تذکر

۲ -

ويره مهديكى

باشقه برآ

معلملرندن ا

۳ -

لسان قورلر

ايلديكندن

قور آشاغى

برنقصاتى ا

تدريسات مد

انجمنمزه ده

مديريت موم

Maarif Vekâleti

Tebliğler Mecmuası

يه يى

كدن

جود

ى

جود

نتاج

وج

دن

رتا

مکينى

قك

Tarih

15 Ağustos 926

Sayı

7

İhsâiyat Mûdûrlüğü Tarafından Her Ay  
 Naps Edilir.

İstanbul - Milli Matbaa

1926

18 s.





د پايگړي ولايت

مخدوم قاضي محمد قاسم خان صاحب

عنه

۱۹۲۱

۱۰۵

تاریخ

۹۲۶ غستوس

۱۰۱ طوسک، ۱۰ محرم ۱۳۴۲ ی وائی حدیسی ایکو عدد مصدق

والتی بعینہ مجموعہ ایساں قضاہ کنگرے دیہاتہ ایساں دفتر قید الیہ

عم خرنده سرب کونه یس مطلوبہ اقدام

مصدق مدبری و

۱۱۱ ۱۳۴۲

ن  
[Signature]



تموز آئندہ کی

استانبول - ملی مطبعہ

۱۹۲۶

# تذکرہ شہداء

بسم اللہ الرحمن الرحیم

۷

۱۰



تذکرہ شہداء

تذکرہ شہداء  
تذکرہ شہداء  
تذکرہ شہداء

تذکرہ شہداء  
تذکرہ شہداء

تذکرہ شہداء

۲۶۸۱

# مختصر

آب بند اول ۱۷۶۶

روایت	نظریه	روایت دوم	روایت اول
۰۰۵۶	در کتابخانه...	در کتابخانه...	در کتابخانه...
۰۰۰۱	در کتابخانه...	در کتابخانه...	در کتابخانه...
۰۰۶۱	در کتابخانه...	در کتابخانه...	در کتابخانه...
۰۰۰۸	در کتابخانه...	در کتابخانه...	در کتابخانه...
۰۰۵۱	در کتابخانه...	در کتابخانه...	در کتابخانه...
۰۰۰۸	در کتابخانه...	در کتابخانه...	در کتابخانه...

## تعیینات



## تعیینات

۹۲۶/۷/۱ دن اعتباراً

اسمی	سابق وظیفہ سی	تعیین اولوندیغی وظیفہ	معاشی
شاهین بك	یالواج اورتا مكتب مدیری	قیصری دین درسلری معلمکنه	۲۵۰۰ غروش
نشأت	دوملی پیکار شهر یاتی مکتبی	استانبول ارکک لیسہ سی مبايعه	
	مبايعه مأموری	مأمور لغنه	۱۰۰۰
عثمان	استانبول ارکک لیسہ سی مبايعه	دوملی پیکار شهر یاتی مکتبی	
	مأموری	مبايعه مأمور لغنه	۱۲۰۰
حمدی	کوتاهیه امام خطیب مکتبی	کوتاهیه ده وحید افندی کتبخانه	
	تورکجه معلمکنه علاوة	مأمور لغنه	۸۰۰
امین	استانبول معارف مدیرلکی	استانبول ارکک لیسہ سی ایکنجی	
	تدریسات کاتبی	کتابتنه	۱۵۰۰
عارف تیمور طاش بك	یوقدر	آنقره عمومی کتبخانه سی مأمور لغنه	۸۰۰





معارف وکالتی  
اورتہ تدریسات دائرہ سی

۴۳۱  
۴۹۳۴

آنقرہ : ۱۹۲۶/۷/۶

### برای معلومات احصائیات مدیر لکنہ

معلم مکتبی مأذونلرندن خدمت مجبورہ سنی ایفا ایتمہ دن ترک مسلك ایدنلر حقندہ  
تعلیماتنامہ نك ۱۱۴ نجی مادہ سی موجبہ تعقیبات قانونیہ ایفا ایدیلہ بیلیمہ سی ایچون اسملرینك  
بیلیمہ سنہ لزوم کورولمکده در. بناء علیہ ۳۳۶ سنہ سندن بو آنہ قدار منطقہ کزده مستخدم  
معلملرک وبونلردن مسلکدن قطع علاقہ ودیکر ولایتلرہ نقل مأموریت ایدنلرک موضح  
کنیہلرینك ( بر چوقلری اسملرینی دیکشیدیردیکنندن مکتبده بولوندقلری زمانکی حقیقی  
اسملری یازیلا جقدر ) مکتب نومرولریلہ برلکده مأذون بولوندقلری مکتب مدیرلکلرینہ  
اشعارى تعمیماً تبلیغ اولنور افندم .  
معارف وکیلی نامہ

معارف وکالتی  
اورتا تدریسات دائرہ سی

شعبہ - ۲

۵۰۰۷

۷ تموز ۹۲۶

- ۱ - مکتبکیزک بوسنہ کی مأذونلرندن افندی موسیقی معلم مکتبنہ قبول اولونہ جقدر.
- ۲ - موسیقی معلم مکتبنك تشکیلاتی ، غایہ سی ومأذونلرینك مستقبل وضعیتلری  
حقندہ لازمکن حاوی تعلیماتنامہ دن بر نسخہ سی ده لفا کوندریلشدر .
- ۳ - بومؤسسہ یه کوندریلہ جک افندیلر ذکا، حساسیت، نزاهت اعتباریلہ مکتبکیزک  
اک ممتاز مأذونلرندن بولوناجق وبالخاصہ موسیقی یه استعدادی اهمیتله نظر دقتہ آلینا جقدر.



۴ — تفريق ايدىلن طلبه نك موسيقى به استعدادى وسى نك كوزلك درجه سى حقنده  
مؤسسه موسيقى معلم نك مطالعه سى منضم بولونا جقدر .

۵ — طلبه تام الصحه ووجودى هر درلو عارضه دن برى وقوى اولماليدر .

۶ — اثنای تفريقده طلبه نك هر درلو احوال خصوصيه سى نظردقه آلىمالى و تربيه سى  
ناقص ، قبا روحلى ، كچيمىز ، آرقداشلى آراسنده اعتبارى دوشكون طلبه قطعياً  
كوندريله مليدر .

۷ — كچن سنه لر قبول ايدىلن دارالايتم طلبه سى مياننده مكتب اداره سى بهوده  
اوغراشديران قابليتسىز ، سويه سى دوشوك بر قسم طلبه به تصادف اولوندىنى وبونك صرف  
مكتب اداره لر نك ماذون طلبه سى نه اولور سه اولسون محقق بريره يرلشدير مك اندیشه سيله  
باشندن آتماسندن تولد ايندىكى آكلاشيلمشدر . بونقطه بالخاصه قيد وخلافنده حركت  
اولوندىنى كورولدىكى تقديرده بوكا سببیت ویرن مكتب اداره لر نك مسئول ايديله جكى  
بيان اولونور .

۸ — بوا امرك ورودنده مكتب مدير ومعاونيله دوقتور ، موسيقى معلمى و طلبه نك  
صنف معلملرندن مركب بر قوميسيون تشكلى ايدهر ك ( بو قوميسيونه استانبولده موسيقى  
معلم مكاتبى موسيقى تاريخ و تربيه سى معلمى مختار بك ده اشتراك ايدهر جكدر . كنديسنه  
بو خصوصده تبليغات ياپيلمشدر ) كوستريلن مقدارده طلبه تفريق وبو طلبه نك آلتى قطعه  
قارتونسز فوطوغرافيسيله ، مكتب تصديق نامه سى ، نفوس تذكره سى ، صحت و آشى راپورلرى ،  
طلبه نك هويت روحيه سى حقنده صنف معلم نك و مكتب اداره سى نك مشتركاً يازاجنى  
بر مخطره ، چوجو غك مختصر بر ترجمه حالى ، تفريق قوميسيون نك حقنده تنظيم ايدهر جكى  
قبول قرارى دوسبه حالنده آنقره ده موسيقى معلم مكاتبى مدير لى كنه كوندريله جكدر .

۹ — مذكور مؤسسه مدير لى كنه شايان قبول كوريلن طلبه حقنده لازمكلن  
تبليغات وكالتجه ياپيلاجق ومكتب اداره سى نجه طلب اولوندىلرى زمان دوغرىجه آنقره به  
سوق ايديله رك كيفيت تلغرافله موسيقى معلم مكاتبى مدير لى كنه ده بيلديريله جكدر .  
تبليغ كيفيت اولونور افندم . معارف وكيلى نامه



معارف وکالتی

اورتا تدریسات مدیریت عمومی سی

۱۹۲۶/۷/۵

۳۴

۴۹۸۹

لیلی مکتبلرده تعلیماتنامه موجبینجه تابلویه ادخال ایدیلکده اولان مأمورین ، معلمین و مستخدمینک بلابدل اعاشه لرینه بعض مراقبکلرجه اعتراض ایدیلکده اولدینی آ کلاشلمسی اوزرینه کیفیت دیوان محاسبات ریاستنه یازیلشدی . بو کره آلتان جوابده لیلی مکتبلرده نوبتچی اولان معلمین ، مأمورین و مستخدمینک کافی السابق بلابدل اعاشه لری ضروری کورولمش اولدیغندن احوال مائلده اوکا کوره ایقای ایجابی لزومنک مراقبکلره تبلیغ قلندینی بیلدیریلکده در . کیفیت تعمیماً تبلیغ اولونور افندم . معارف وکیلی نامنه

معارف وکالتی

اورتا تدریسات مدیریت عمومی سی

۱۹۲۶/۷/۱۳

۵۵۱

۵۱۲۰

موجود قور تعلیماتنامه سنه نظراً امتحان عمومی نتیجه سنده هم لسان اجنیدن وهمده دیگر علوم و فنونک هر هانکی بریسنندن حد معیندن دون نومرو آلان بر افندی هم قورنده وهمده صنفنده ابقا ایدیلکده در . حالبوکه بو ماده نك تورکجه صنفنک معادلی اولان قوردن برویایرقاچ درجه ده یوکسک قورلره دوام ایدنلر حقنده ده تطبیقی طلبه نك مغدوریتنی موجب اولدینی جهته تورکجه صنفلرک معادلی اولان قورلرک مافوقنده بولونان بر طلبه هم لسان اجنیدن همده تورکجه درس لرک بریسنندن موفق اولامادینی تقدیرده لسان اجنبی نوطنک کان لم یکن عدیله قورده ابقامعامعله سی یاپیلارق دیگر درس لردن قازانیلان نومرولرک وسطی عمومی سی ۶۰ غه بالغ اولدینی تقدیرده بوکی طلبه نك موفق اولامادینی درسدن اکاله بر اقیلمامسی مدیرلر انجمننک ۹۲۶/۷/۵ تاریخی اجتماعنده تقرر ایتشدی . کیفیت تعمیماً تبلیغ اولونور افندم . معارف وکیلی نامنه



معارف وکالتی  
اورتا تدریسات دائرہ سی

شعبہ - ۲

۵۱۹۱

بروسہ ارکٹ معلم مکتبہ ۹۲۶/۷/۱۰ تاریخندن اعتباراً لغو ایدلدیکی برای معلومات  
عرض اولونور افندم . مدیر عمومی

معارف وکالتی  
اورتا تدریسات دائرہ سی

۴۸۱

۵۲۶۵

### صورت

اردو کاهلره چیقمق ایستہین معلم مکتبہ سیویل لیسہلره و علی الاطلاق سیویل  
مکتبہلره منقطہلرنده بولونان فرقه و قول اردو قوماندانقلرینه مراجعتلری حالندہ ممکن  
اولدینی قادارچادیر ، تفنک ، فشنگ و سائر اردو کاه مالزمہ سی اعطاسندہ کندیلرینه یاردیم  
ایتملری و بو کی طلبلرینک اسعافی قول اردولره امر اولونمشدر . بو سبیلہ لزوم اولدقہ  
مکتبہلرک منقطہلرنده بولونقلری فرقه و یا قول اردو قوماندانقلرینه مراجعتلرینک کافی  
کلہ بیلہ جکنک ایجاب ایدنلره اشعارینه مساعدہلری رجا اولونور افندم .

اردو کاهه چیقمق ایستہین مکتبہلره معاونت ایدیلسنک بالعموم قول اوردولره تبلیغ  
ایدیلدیکنہ دائر ارکان حربیہ عمومیہ ریاست جلیلہ سنک ۹۲۶/۷/۱۶ تاریخ و ۱۱۸۴/۷۸۹  
نومرولو تذکرہ سی صورتی عیناً بالایہ درج ایدیلشددر . کیفیت تعمیماً تبلیغ اولونور افندم .  
معارف وکیلی نامنه



معارف وکالتی  
اورتا تدریسات دائرہ سی

شعبہ - ۱

۴۹۱

۵۵۵۱

۱۹۲۶/۷/۳۱

مکتبہ لڑدہ کی بقالیہ لڑک خزینه جہ ہر ہانکی بر طالبہ کیرایہ ویریلسی مکتبہ لڑک ادارہ  
و تربیوی حیاتلری اوزرندہ چوق محذوری تاثیرات ایقاع ایلمہ مکدہ اولدقلرندن ، بعدما  
بقالیہ لڑک مکتب ادارہ لڑینک شایان اعتماد کوردکلری طالبہ لڑہ بازارلق صورتیلہ ویریلسی  
مالیہ وکالت جلیلہ سنجہ دہ تنسیب ایدیلش و استانبول دفتر دارلغندہ تبلیغات یاپیلہ شدہ .  
بناء علیہ فی مابعد بقالیہ لڑ مزایدہ اصولیلہ احالہ ایدیلہ یجکلرندن مؤسسہ لری داخلندہ بوفہ  
بولوندورمق ضرورت قطعیلہ سندہ بولونان مکتب ادارہ لڑینک بو بوفہ لری ویرہ جکلری  
آداملڑک احوال عمومیلہ لری حقندہ اساسلی تحقیقات یاپمالری لزومی توصیلہ اولونور افندم .

معارف وکیل نامہ

معارف وکالتی

حرث دائرہ سی

۴۲۸

۱۱۲۴

آنقرہ ۳ تموز ۹۲۶

مدیر لکنتہ

مأمور لکنتہ

معارف

ولایت مرکز لڑندہ کی بش ودرت صنفلی مکتبہ لڑک کتبخانہ لڑیلہ قضا و ناحیہ مرکز لڑندہ کی  
صنفلری اک چوق مکتبہ لڑک کتبخانہ لڑیلہ توزیع ایدیلک اوزرہ طاقم وکالت مجموعہ سی  
کورندہ ریلشدر . وصولیلہ توزیع جدولک اشعار ی رجا اولونور افندم .

معارف وکیل نامہ



معارف وکالتی

حرث دائره سی

شعبه - ۱

۴۲۶

۱۱۳۰

آنقره ۳ تموز ۱۹۲۶

مدیر لکته

معارف

مأمور لکته

کتبخانه موجود کتابلرک محافظه سندن رأساً کتبخانه مأمورلرینک مسئولیتی درکار اولدیغنه نظراً کتبخانه لره تعیین ایدیله جک خدمه لرک اثنای انتخابنده کندیلری طرفندن تکلیف ایدیله جک اشخاصک داها زیاده شایان اعتماد عدیله ترجیحاً قبولی امر ضروریدر. بناء علیه بعدما انحلال وقوعنده بوجهت نظردقه آلیفارق اوکا کوره معامله ایفاسی صورت عمومیه ده تبلیغ اولونور افندم.

معارف وکیلی نامه

معارف وکالتی

حرث دائره سی

شعبه - ۱

۴۲۷

۱۱۲۹

۳ تموز ۱۹۲۶

کرت وکالت بودجه سندن وکرت اداره خصوصیه دن معاش آلان بالعموم کتبخانه مأمورلرینک، هویت و شخصیتلرینک اطرافلیجه بیلنمه سنه لزوم حاصل اولمشددر. بو خصوصی تأمین ایچین کتبخانه مأمورلرینه املا ایتدیرلمک اوزره مقدار کافی فیش کوندریلیدی. بوفیشلر کتبخانه مأمورلرینه کندی ال یازیلریله املا ایتدیریلدکن صوکره برر قطعه قارتونسز فوتوغرافلرینک الصاقی صورتیله اعاده اولونا جقدر. اقتضاسنک مسارعه تأمین ایفاسی صورت عمومیه ده تبلیغ اولونور افندم.

معارف وکیلی نامه



معارف وکالتی

حرث دائره سی

۴۷۴

۱۲۲۷

۲۱ / تموز / ۱۹۲۶

والیلکنه

رئیس جمهور حضر تلرینک ولایتلرده رکز ایدیله جک هیکلرینک اعمالی ایچون وکالتیز  
آوروپا آقاده میلرینک توصیه و صنایع نفیسه انجمنزک انتخاب ایلدیکی بویوک صنعتکاری  
مقاوله ایله جلب ایتمکده در . اوج نمونه هیکلنک اعمالی ایچون یوز اللی بیک لیرا قادار بر  
مبلغه احتیاج اولدینی تین ایتشدرد . نمونه هیکلرک اعمالی بر آی قادار سورمه جک و تکثیر  
ایدیش هیکلر تقریباً ایکی یچق آی صکره حاضر بولونا جقلردر . اعمال مصارفنه اشتراک  
ایدن ولایتلر طرفندن بو هیکلرک آرزو ایدیله جک نمونه سی طونج و دوکوم مصرفی اولان  
قلیل بر مبلغه صاتین آلینه بیله جکدر . اعمال بدلی اولان یوز اللی بیک لیرالق مصرفه  
ولایتلرجه صورت اشتراک بروجه آتیدر :

بو خصوص ایچون مخصص مبلغی موجود اولان هر ولایت مذکور مبلغک درتده بر  
مقدارینی هیکل اشتراسی وقاعده انشاسی ایچون حفظ ایدمک متباقی مقداری اعظمی ایکی  
آی ظرفنده معارف وکالتی آمرینه ویرمش بولنه جقدر . شیمدییه قادار هیکل رکزینه  
تشبث ایلهمه مش بولنان ولایتلرک بو سهولتدن استفاده ایدم بیلمله لری ایچون شیمدیدن  
تشبثات لازمه ده بولنه رق معین مدت ظرفنده حصه اشتراکلرینی تأدیه ایتلمی لازمدر .  
ایلروده حساب نتیجه سنده فضله مقدار قالدینی تقدیرده بو مقدار اشتراک ایدن ولایتلرک  
اشتراک درجه لری نسبتنده تقسیم واعاده اولونه جقدر .

جلب ایدیلکده اولان صنعتکاره ویریله جک اولان سیاحت أجرتی و بر مقدار آوانس  
کیی بر طاقم مصارفات ابتدائیه نک همان تأدیه سی لازم اولدیغندن ولایتلرک تأدیه ایدم جکی  
مبلغک ضرورت اولدینی تقدیرده نصفی بر آی صکره تأدیه ایدیلک اوزره درحال معارف  
وکالتی آمرینه آنقره ایش بانقه سنه ارسالی و نتیجه نک انباسی متمنادر افندم .

معارف وکلی



معارف وکالتی

ایلك تدریسات مدیر عمومیلکی

۹۲۶/۷/۶

۴۳۵

۵۴۴۵

### احصائیات مدیریته

معلم معاونلری حقنده کی قانونک ایکنجی ماده سنک ایضا حنامه سنده کی ۲۸ نیسان ۹۲۶ تاریخلی و ۱۵۷۷ صاییلی قرارک تاریخنده کی سنه ۳۳۹ در. تعمیماً تبلیغ اولونور افندم .  
معارف وکیلی نامنه

معارف وکالتی

ایلك تدریسات مدیر عمومیلکی

۹۲۶/۸/تموز

۴۴۲

۵۵۵۲

معارف مدیرلکته  
مامورلغه

ملغا دارالخلافه مأذونلرینک تحصیلی ، اورته مکتب مأذونلرینک درجه سنده اولدینی ایچون بونلرده معلم معاونلری حقنده کی قانونک برنجی ماده سی میاننده در . تعمیماً تبلیغ اولونور افندم .  
معارف وکیلی نامنه

معارف وکالتی

ایلك تدریسات مدیر عمومیلکی

۹۲۶ ۱۵/تموز

۴۶۵

۵۷۹۲

معارف مدیرلکته  
مامورلغه

۸/تموز ۹۲۶ تاریخلی و ۴۴۲/۵۵۵۲ نومرولو تعمیمه ذیلدر :  
قانونک نشری تاریخنده معلملکده خدمت ایدن ملغا دارالخلافه مأذونلری حقنده شوقیدک نظر دقته آلتماسی لازمدر :



دارالخلافه ايکي قسم اولديغندن بونلردن يالکيز برندن مآذون اولوق کافی اولمايوب  
ابتداء خارج وداخلي اکال ايتمک لازمدر. تعمیماً تبليغ اولونور افندم .  
معارف وکيلي نامنه

معارف وکالتی

ایلك تدریسات مدیر عمومیلکی

۴۸۵  
۶۰۵۵

۲۷/تموز/۹۲۶

مدیرلکته  
مأمورلکته

معارف

کچن سنه تعطیل قورسیرینه دوام ایدهرک بعض درسلردن موفق اولامایان معلم  
معاونلرینک ، يالکيز موفق اولامادقلری درسلردن امتحانه تابع طوتولمالری لازم کلیر .  
مقتضاسنه کوره معامله ایفاسی تعمیماً تبليغ اولونور افندم .

معارف وکيلي نامنه

معارف وکالتی

ایلك تدریسات مدیر عمومیلکی

۴۸۰  
۶۰۱۲

۲۲/تموز/۹۲۶

مدیرلکته  
مأمورلکته

معارف

۱ - یدی سنهک اعدادیلرک بشنجی صنفی اکال ایدهرک آلتنجی صنفه ترفیع ایتمش  
اولانلردن الیوم مسلکده معلم معاونی صفتیه مستخدم بولونانلر ۲۰ مایس ۹۲۶ تاریخلی  
و ۱۲۲ نومرولو قانونک یدنجی مادهسی حکمنه توفیقاً معلم عد ایديله جکلردر .  
۲ - احضاری برصنف علاوه اولونمق صورتیه مدت تحصیلیهسی آلتی سنهیه ابلاغ  
ایدیش اولان اسکی لوا اعدادیلری مآذونلری حقندهده عینی صورتیه معامله یاپیلاجقدر .  
بشنجی یی اکال ایدهرک آلتنجی صنفه کچمش وبوصوک آلتنجی صنفی اکال ایتهمش اولانلر  
بو حقدن استفاده ایدهمزلر .



۳ - مقتضاسنه کوره معامله ایفاسی و بوخصوصده فضولی مخبراته محل براقیلماماسی  
تعمیماً تبلیغ اولونور افندم .

معارف وکیلی نامنه

..

معارف وکالتی

ایلك تدریسات مدیر عمومیلکی

۴۹۷

۵۸۳۱

۱۷ تموز ۹۲۶

..... ولایتنه  
معارف مدبرلکته  
معارف مأمورلکته

بعض ولایتلرده کوی مکتبی معلملرینه بر معلم اولدینی دوشونجهسیله مقام اجرتی  
ویریلدیکی خبر آلتیور. کوی کتبلرینک معلملری اداری وظائف ایله مشغول اولدقلرندن  
مذکور معلملرده قانوناً مقام اجرتی ویریلهسی ایجاب ایدر. بوضورتله معامله ایفاسی تعمیماً  
تبلیغ اولونور افندم .

معارف وکیلی نامنه

..



انجمہ قرار لری



## قرارلر

۹۲۶/۷/۵

تعليم و تربيه دائره سنك ۵ تموز ۹۲۶ ده وكالت دائره سنده اجتماع ايدهر ك مكتب موزه و كتيبخانه لر ينك انشا آتى مذاكره ده بولونان و تثيبت ايتديكى اساساتى تقديم ايدن قوميسيون حقنده كى مذكره سى و قوميسيونك مطالعه سى تصويب ايديلهرك ولايتلره تعميمنه قرار و يرلدى .

§ امتحانه كيرديكى حالده ترفيع صنف ايدمه مين واوكسوز يوردلرندن قيز معلم مكتبلرينه كلن كيمسه سز چوجوقلرك وصايت حقى دولته عايد اولديغندن معلم يتيشه ميه جك اولان بوكيلرك اورتا كويده تأسيس اولوناچق صنعت يوواسنه نقلى قرار كير اولدى .

§ دارالمعلمين و دارالمعلمات ابتدائيه تعليماتنامه سنك ۱۱۳ نجى ماده سى موجبجه عيني صنفده ايكي سنه ابقا قالان طلبه نك ترقين قيدي ايجاب اينمكده ايسه ده، اوكسوز يوردلرندن كلن و كيده جك يرلرى بولونمايان پارسوز و كيمسه سز طلبه نك ده كذا اورتا كويده تأسيس اولوناچق صنعت يوواسنه نقلى قرار لاشديرلدى .

§ قونيه قيز معلم مكتبى طلبه سنندن تبديل هوايه محتاج يكرمى يدي طلبه حقنده ، اورتا تدريساتله حفظ الصحنه نك مشترك كوروشهرك بر قرار و يرملرى قبول ايدلدى .

§ تخصيصاتك آزلنى دولاييسيله مى مطبعه نك اشياى معموله و غير معموله آنبارلرينك انشاسى ايچون لازمكلن تخصيصاتك اسعاف ايديله ميه جكى تذكر اولوندى .

§ قره سى اورتا مكتب مديرى جناب رفيق بنك تقديرنامه صورتك سجمله درجى قبول ايدلدى .

§ عهدهلرنده اماملق و خطيبك كى دينى وظيفه سى بولنان ايلك مكتب معلملرى حقنده بر قرار اتخاذهنى متضمن ايلك تدريسات دائره سنك مذكره سى مطائعه اولونارق اماملك معلملكه قابل تاليف اولمدينى فقط خطيبك و واعظك كى وظيفه لرك معلملكه برابر ايفاسنده هيچ بر مانع كوريله مديكى مذاكره اولونارق بويولده قرار و يرلمسى موافق كورلدى .



§ تورکجه درسارندن بريله لسان درسارندن قالان طلبه نك ، قور تعلیماتنامه سنه کوره صنفده قالمالری ایجاب ایدیورسه ده بوماده نك تورکجه صنفك معادلی اولان قورک بر ویا برقاچ درجه ده یوکسه ك قورلره مداوم طلبه حقنده تطبیقی بالنتیجه لسانی امثاله نظراً قوتلی اولملرك بلا سبب جزا کورمه لری کی برحقسزلنی موجب اولدینی جهته ، تورکجه صنفلرینك معادلی اولان قورلرك مافوقنده بولونان بر طلبه هم لسان اجنیدن ، هم ده تورکجه درسلك بریسندن موفق اولامادینی تقدیرده لسان اجنی نوظنك کان لم یکن عدیله قورده ابقا معامله سی یاپیلارق دیگر درسارندن قازانیلان نومرولرك وسطی عمومیه سی ۶,۵ ه بالغ اولدینی تقدیرده ، موفق اولامادینی درسده اكماله بر اقلیماسی قبول ایدلدی .

§ یوکسك معلم مکتبک قرطاسیه ، ستار ، البسه و معاش و فلسفه زمزمه سی ، یمکلك اصلاحی ، بنا کی احتیاجلری حقنده بروجهر مقررات اتخاذ اولونمشور :

۱ - قرطاسیه مسئله سی : بوکی مصارفك مکتبک تخصیصاتندن ویرلمه سی وینه تتبعه طائد کتابلرك ده اساساً مکتبک بوکی عمومی کتاباری کتیرتمك اوزره تخصیص ایتدیکی مصارفدن تأمین ؛

۲ - ستار مسئله سی : ستارلك قالدیرلماسی امکانی اولمامقله برابر ، یالکیز ستار نهایتنده کی امتحانندن صرفنظر ایدیله بیله جکی ؛

۳ - فلسفه زمزمه سنك ده ، دیگر شعبه لر کی درت درسه مجبوری دیگرلرینه مخیر اولمالرینك دوغرو اولامیه جنی و فقط منطقه اوچ واجتماعیه درت سومستر دوام ایدرك امتحان اولاییله جکلری ؛

۴ - البسه و معاش مسئله سنك ، طلبه نك قبول ایتدیکی صورتده حلی امکان خارجنده اولمامقله برابر ، هر طلبه یه یینه تخصیصاتندن اولارق ۲۵۰ غروش آیلق ویرلمه سی ؛

۵ - یمك مسئله سی : طلبه نك معروضاتی دوغرو بولونمادیغندن قبول ایدیله میه جکی ؛

۶ - بنا مسئله سی : بونك ده حلنه جالیشیلاجنی ، ومقررات دائره سنده یوکسك تدریسات دائره سنجه معامله ایفا وتدایر اتخاذ ایدیله جکی .

